

以下共與引進列立於朔平門外，史生執簿召計五位以上，先是參議以上在訖即引入內稱容止，朔平門外，玄暉門外，南面西上，次六位已下入列，五位之後，省掌且立定，群官共再拜，職大夫出自內裏傳宣令旨，群官共稱唯再拜退出。

〔延喜式十三〕中宮二月○正受皇太子朝賀

其日早朝，職官設皇太子版位於常寧殿，西面，南差退設司賓位，又南退設司贊位，司賓引太子入，立定，司贊唱再拜，太子再拜，司賓引太子到東階，太子昇自東階而朝，東以下四字原賀訖，俛伏興，引降復位，內侍進承令降詣太子前，東面稱令旨，太子再拜，宣命訖，又再拜，司贊唱再拜，太子又再拜，司賓引太子出，事見儀式

同日早朝受群官朝賀

同日早朝，所司鋪設於玄暉門外西廊，親王以下諸王五位於廊下南面，式部置典儀位於同門東，差東北退設贊者位，並西面南上，設職大夫位於門西南面，依時刻式部引五位以上六位以下，列於同門外南面，典

儀曰再拜，贊者承傳，群官俱再拜，職大夫出就位，為首者進，南面跪稱賀詞，訖復位，群官俱再拜，職大夫入，申內侍內侍奉令旨傳宣，大夫奉令旨退出，就位南面傳宣，群官稱唯再拜，訖退出，但中務輔引次侍

從以上著座，于時內侍一人率女藏人三人，納祿物於櫃，二合令持職舍人四人置廊下，上東，自親王座文綿六百屯，受大藏省置廊下，掃部寮亮進屬各一人，史生二人侍賜祿所，所司事訖賜祿，親王以下大納言

已上各白褂衣二領，中納言三位參議白褂衣一領，非參議三位并四位參議褂衣一領，四位小褂衣一領，五位綿一連，亮唱四位五位名賜之，參議已上令女藏人賜之，若亮有闕，臨時權位，事見儀式同日早朝，中

務省召職司給次侍從已上見參，即別錄四位已上名簿進內侍，為令辨同日受女官朝賀

其日內侍仰闌司置版位於殿上及殿庭，版位十枚，方一尺一寸，厚一寸，內親王以下女官命婦以上，以次入立殿上，闌司